





















尺牘雋言卷之四

閩莆陳臣忠景周甫輯

吳興閔邁德日斯甫校

季漢

報孫權

劉備

字玄德

益州牧劉璋綱維頽弛周瑜等並勸權取蜀權以咨先主先主內欲規蜀乃偽報之後先主西圖璋權曰猾虜乃敢挾詐

備與璋託爲宗室冀憑英靈以匡漢朝今璋得罪左右備獨悚懼非所敢聞願加寬貸若不獲請備當放髮歸于山林

語簡而切





荅關羽

字雲長

諸葛亮

字孔明

孟起

字馬超

兼資文武雄烈過人一世之傑黥彭之徒

當與翼德

字張飛

並驅爭先猶未及髯之絕倫逸羣也

羽美鬚髯故謂之髯

與蔣琬董允

琬字公琰允字休明

諸葛亮

孝起

字陳震

前臨至吳爲吾說正方

字李嚴

腹中有鱗甲

鄉黨以爲不可近吾以爲鱗甲但不當犯之耳不圖復有蘇張之事出於不意可使孝起知之

與兄瑾

諸葛亮



嘗自謂吾

心如秤

殷往嗣禮名秀才之僑肸者也。東吳菰蘆中，乃有奇偉如此人。

又

諸葛亮

瞻今已八歲，聰慧可愛，嫌其早成，恐不為重器耳。亮子

瞻字思遠，後為衛將軍，赴鄧艾戰死。

遠涉帖

諸葛亮

師徒遠涉，道路甚艱，白及褒斜，幸皆無恙。

與羣下教

諸葛亮

夫參署者，集衆思，廣忠益也。若遠小嫌，難相違覆，曠



闕損矣。違覆而得中。猶棄敝蹻而獲珠玉。然人心苦不能盡。惟徐元直處茲不惑。又董幼宰叅署七年。事有不至。至於十反。來相啓告。苟能慕元直之十一。幼宰之殷勤。有忠於國。則亮可少過矣。

與張裔教

諸葛亮

去婦不顧門。萎蕤不入園。以婦人之性。草萊之情。猶有所恥。想忠壯者意何所之。

與曹孟德

名操

許靖

字文休

驚怯偷生。自竄荆蠻。縣心北風。欲行靡由。漂泊風波。



矯舉不凡  
復有韻致

辭直氣壯

絕糧茹草。欲歸死闕庭。而荊州水陸無津。交部驛使  
斷絕。益州復有峻防。仰企光靈。何由假翼自致哉。

與曹孟德

郭嘉字奉孝

漢之宗親。俱守穴鼠耳。劉備有鷹隼之才。秋風倏起。  
獵獵有凌雲心。明公宜謹避之。

報曹孟德

關羽

明公布大義於天下。而速取自樹。非某之所敢知。君  
猶是漢也。羽敢不臣漢哉。敢拜嘉命之辱。

謝曹孟德

關羽



凜然

羽聞主憂臣辱。主辱臣死。曩所以不死。欲得故主之音問耳。今故主已在河北。此心飛越。神已先馳。惟明公幸少矜之。千里追隨。當不計利害。謀生死也。子女玉帛之貺。勒之存丹。他日幸以旗鼓相當。退俟三舍。意者亦欲如重耳之事秦繆者乎。

與秦宓

字子勅

王商

字文表

貧賤困苦。亦何時可以終身。卞和銜玉以耀世。宜一來與州尊相見。

荅王商

秦宓



達言

昔堯優許由。非不洪也。洗其兩耳。楚聘莊周。非不廣也。執竿不顧。易曰。確乎其不可拔。夫何銜之有。且以國君之賢。子爲良輔。不以是時。建蕭張之策。未足爲智也。僕得曝背乎隴畝之中。誦顏氏之簞瓢。咏原憲之蓬戶。時翱翔於林澤。與沮溺之等儔。聽玄猿之悲吟。察鶴鳴於九臯。安身爲樂。無憂爲福。處空虛之名。居不靈之龜。知我者希。則我貴矣。斯乃僕得志之秋也。何困苦之戚焉。

奏記州牧劉焉

字君郎

秦宓



秀色

昔楚葉公好龍。神龍下之。好僞徹天。何況於真。今處士任安。字定祖仁義直道。流名四遠。如令見察。則一州斯服。甫欲鑿石索玉。剖蚌求珠。今乃隋和炳然。有如皎日。復何疑哉。誠知晝不操燭。日有餘光。但餘情區區貪陳所見。

與諸葛亮書

馬謖字幼常

謖入蜀。好論軍計。亮深加器異。及出兵祁山。拔謖統大衆與魏將張郃戰。敗還。漢中下獄。臨終。與亮書。亮自臨祭。待其孤若平生。

明公視謖猶子。謖視明公猶父。願深惟殛。鯨與禹之。



可涕

義使平生之交不虧於此謾雖死無恨於黃壤也

魏

與孫權

武帝曹操

赤壁之役值有疾病孤燒船自退橫使周瑜虛獲此名

與荀元明

武帝

伯喈有命世之才而死非其罪孤每爲之撫心之才之美還當以十世宥顧可使無後耶聞有女在胡聰明才辯班大家之流亞也當不惜千金致之



與關雲長

武帝

玄德吾弟也。將軍事玄德如事孤耳。本初剛愎自用。宜不相下。孤事天下猶一家也。歸語玄德。乘長風者。半舟楫。白日往矣。瞻烏爰止。於誰之屋哉。

與王脩

字叔治

武帝

昔孤初立司金之官。念非屈君餘無可者。衆人未曉此意。每得一顯選。常舉君爲首。及聞袁軍師衆賢之議。以爲不宜越君。然孤執心將有所底。以軍師之職。開於司金。至於建功。重於軍師。孤之精誠。足以達君。

披吐肝膈



君之察孤足以不疑。但恐傍人淺見以蠡測海爲蛇  
畫足。將言前後百選輒不用之而使此君沈滯治官  
張甲李乙尚猶先之。此主人意待之不優之效也。孤  
懼有此空聲冒實淫竈亂耳。假有斯事亦庶鍾期不  
失聽也。

與荀彧

字文若。潁川戲志才籌畫士也。武帝甚器之。蚤卒。

武帝

自志才亡後莫可與計事者。汝潁固多奇士。誰可以  
繼之。

與吳質

字季重

文帝

名丕



昔者游處行則連輿止則接席何曾須臾相失每至觴酌流行絲竹並奏酒酣耳熱仰而賦詩當此之時忽然不自知樂也謂百年已分長共相保何圖數年之間零落略盡言之傷心

與鍾繇

字元長

文帝

鄴騎既到寶玦初至捧匣跪發五內震駭繩窮匣開爛然滿目猥以蒙鄙之姿得覩希世之寶不煩一介之使不損連城之價既有秦昭章臺之觀而無蘭生詭奪之誑嘉貺益腆敢不欽承



又

文帝

歲往月來。忽報九月九日。九爲陽數。而日月並應俗。嘉其名。以爲宜於長久。故以享宴高會。是月律中無射。言羣木庶草。無有射地而生。惟芳菊紛然獨菲。非夫含乾坤之純和。體芬芳之淑氣。孰能如此。故屈平悲冉冉之將老。思餐秋菊之落英。輔體延年。莫斯之貴。謹奉一束。以助彭祖之術。

又

文帝

袁

名王朗

國士更爲唇齒。荀閎

字仲茂

勁悍往來銳師。



真君侯之勅敵。左右之深憂也。

與王朗

字景興

文帝

生有七尺之形。歿爲一棺之土。唯立德揚名。可以不  
朽。其次莫如著篇籍。疫癘數起。士人彫落。余獨何人  
能全其壽。

與孟達

字子度

文帝

卿姿度純茂。器量優絕。當騁能明時。收名傳記。今者  
翻然濯鱗清流。甚相嘉樂。虛心西望。依依若舊。下筆  
屬辭。歡心從之。昔虞卿入趙。再見取相。陳平就漢。一



覲參乘孤。今於卿情過於往。故致所御馬物以昭忠愛。

荅繁欽

字休伯

文帝

守官王孫。世有女曰瑣。始年九歲。夢與神通。寤而悲吟。哀聲激切。體若飛仙。于今十五。是日戊午。祖于北園。博延衆賓。迭奏名倡。世女須臾而至。厥狀甚美。於是振袂徐進。揚蛾微眺。衆倡騰逝。羣賓失席。然後修容飾妝。改曲變席。激清角。揚白雪。接孤聲。赴危節。於是商風振條。飛霧成霜。可謂聲協鍾石。氣應風律。網

爛然雲錦



羅韶濩囊括鄭衛者也。

與司馬仲達

陳思王植

字子建

今賊徒欲保江表之城守區區之吳爾無有爭雄於  
宇內角勝於平原之志也故其俗蓋以洲渚爲營壁  
江淮爲城塹而已若可得挑致則吾一旅之卒足以  
敵之矣蓋弋鳥者矯其矢釣魚者理其綸此皆度彼  
爲慮因象設宐者也今足下曾無矯矢理綸之謀徒  
欲俟其登舟伺其登陸乃圖并吳會之地收陳野之  
民恐非主上授節將軍之心也



與鍾繇

王朗

近聞室人孫氏歸。或曰大歸也。共經憂樂既久矣。曷  
爲一旦離析。以至於歸而不反乎。不得面談。裁書敘  
心。

與許靖

王朗

自與子別。若沒而復浮。若絕而復連者數矣。而今而  
後。居昇平之京師。攀附于飛龍之聖主。儕輩略盡。幸  
得老與足下。並爲遺種之叟。而相去數千里。加有遘  
蹇之隔。時聞消息於風聲。託舊情於思想。眇眇異處。

寫情款曲



與異世無以異也。

與人書

鍾繇

初潁川荀攸與繇相親善攸先亡子幼繇經紀其門戶欲嫁其妾乃與人書

吾與公達曾共使朱建平相。建平曰：荀君雖少，然當以後事付鍾君。吾時嘲之曰：惟當嫁卿阿鶩耳。何意此子竟蚤隕沒？戲言遂驗乎？今欲嫁阿鶩，使得善處。追思建平之妙，雖唐舉許負何以復加也。

還示帖

鍾繇

昨疏還示，知憂虞復深。遂積疾苦，何廼爾耶？蓋張樂



於洞庭之野。鳥值而高翔。魚聞而深潛。豈絲磬之響。雲英之奏。非邪。此所愛有殊。所樂迺異。君當審已而恕物。則常無所結滯矣。

報魏太子丕

鍾繇

昔忝近任。并得賜玦。尚方耆老。頗識舊物。名其符采。必得處所。以爲執事有珍。此者。是以鄙之用。未奉貢。幸而紆意。實以悅懌。在昔和氏。殷勤忠篤。而繇待命。是懷愧恥。

謝魏王

劉廙  
字公嗣



自是確言

臣罪應傾宗禍應覆族遭乾坤之靈值時來之運揚湯止沸使不焦爛起烟于寒灰之上生華於已枯之木物不荅施于天地子不謝生於父母可以死效難用筆陳

與父恭疏

張就

燉煌太守馬艾卒功曹張恭行長史事遣子就東詣太祖請太守至酒泉爲黃華所執

大人率厲燉煌忠義顯然豈以就在困厄之中而瞽之哉昔樂羊食子李通覆家經國之臣寧懷妻孥邪今大軍垂至但當促兵以掎之耳願不以下流之愛

何等壯烈



使就有恨於黃壤也。

荅東阿王植

陳琳字孔璋

昨加恩辱命并示龜賦披覽粲然音義既遠清辭妙句焱絕煥炳譬猶飛兔流星超山越海龍驥所不敢追况於駑馬可得齊足哉夫聽白雪之音觀綠水之節然後東野巴人蚩鄙益著載歡載笑欲罷不能謹韜櫝玩耽以爲吟頌

荅張紘

陳琳

自僕在河北與天下隔此間率少於文章易爲雄伯



真話

故使僕受此過差之譚。非其實也。今景興在此足下  
與子布張昭在彼。所謂小巫見大巫。神氣盡矣。

與平原侯植

劉楨字公幹

明使君始垂哀憐。意眷日崇。譬之疾病。乃使炎農分  
藥。岐伯下鍼。疾雖未除。就沒無限。何者。以其天醫至  
神。而榮魄自盡也。

報龐惠恭

應瑒字德璉

足下剖符南面。振威千里。行人子羽。朝夕相繼。曾不  
枉咫尺之路。問蓬室之舊。過意賜書。辭不半紙。慰藉



佳句

輕於繒縞。譏望重於丘山。是角弓之詩。所以爲刺也。

與曹昭伯

名爽

應璩

字休璉

空城寥廓。所聞者悲風。所見者烏雀。昔陳司空爲邑宰。所在幽閑。獨坐愁思。幸賴游蟻以娛其意。以今況之。知不虛矣。損書及遠。若從雲墜。

與滿炳

字公琰

應璩

昨者宴樂始酣。白日傾夕。驪駒就駕。意不宜展。追惟耿介。迄于明發。適欲遣書。會承來命。知諸君子復有漳渠之會。夫漳渠西有伯陽之館。北有曠野之望。高



佳景

樹翳朝雲。文禽蔽綠水。沙場夷敞。清風肅穆。是京臺之樂也。得無流而不反乎。適有事務。須自經營。不獲侍坐。良增邑邑。

與董仲連

應璩

是北門賦

穀糴驚踊。告求周憐。日獲數升。猶復無薪。可以熟之。出蒙飢於恤護。入見謫於嬪息。忽便邑憤。不知處世之爲樂也。

與陰夏

應璩

從田來。見南野之中。有徒步之士。怪而問之。乃知郎



遠見

君頓有微疴。告祠社神。將以祈福。聞之。悵然。以增嘆息。虛社高樹。能有靈應哉。

奏記明帝

韋誕字仲將

蔡邕自矜能書。兼明斯喜之法。非得純素。不妄下筆。工欲善其事。必先利其器。用張芝筆。左伯紙。及臣墨。兼此三具。又得臣手。然後可以盡徑丈之勢。方寸之言。

戒諸子

王景字文舒

夫物速成則疾亡。晚就則善終。朝華之草。夕而零落。

同識盈虛



松栢之茂隆寒不衰是以大雅君子惡速成戒闕黨也。

遺衛臻

字公振

蔣濟

字子通

漢祖遇亡虜爲上將周武拔漁父爲太師布衣廝養可登王公何必守文試而後用。

荅司馬懿

字仲達

田豫

字國謙

年過七十而以居位譬猶鍾鳴漏盡夜行不休是罪人也。

戒子

杜恕

字務伯



可為沙世  
之法

張子臺名閣視之似鄙朴人然其心中不知天地間何者美好作人如此自可不富貴然患禍當何從而來

與蔣斌

鍾會字士季

巴蜀賢智文武之士多矣至於足下諸葛思遠譬諸草木吾氣類也桑梓之敬古今所敦西到欲奉瞻尊大君公侯墓當灑掃墳塋奉祠致敬願告其所在

與山濤

字巨源

嵇康

字叔夜

前年從河東還顯宗阿都說足下議以吾自代事雖不行知足下故不知之足下傍通多可而少怪吾直



何等豪致

性狹中。多所不堪。偶與足下相知耳。聞聞足下遷。惕然不喜。恐足下羞庖人之獨割。引尸祝以自助。手薦鸞刀。漫試羶腥。故具爲足下陳其可否。

少加孤露。母兄見驕。不涉經學。性復疎懶。筋驚肉緩。頭面一月常十五日不洗。不大悶養。不能沐也。又縱逸來久。情意傲散。簡與禮相背。懶與慢相成。而爲儕類見寬。不攻其過。又讀莊老。重增其放。故使榮進之心。日積任實之情。轉篤此由禽鹿。少見馴育。則服從教制。長而見羈。則狂顧頓纓。赴蹈湯火。雖飾以金鑣。



饗以嘉肴。愈思長林而志在豐草也。

吳

荅記呂布

時張紘為策叅謀布取徐州移書發遣策荅之

孫策

字伯符

海產明珠。所在為寶。楚雖有才。晉實用之。英偉君子。所游見珍。何必本州哉。

報陸遜

字伯言人有讒諸葛瑾通蜀者遜表保之

孫權

字仲謀

子瑜與孤從事積年。恩如骨肉。深相明究。其為人非道不行。非義不言。玄德昔遣孔明至吳。孤嘗語子瑜曰。卿與孔明同產。且弟隨兄。於義為順。何以不留孔



知  
心

明。孔明若留從卿者。孤當以書解玄德意。自隨人耳。  
子瑜荅孤言。弟亮以失身於人。委質定分。義無二心。  
弟之不留。猶瑾之不往也。其言足貫神明。今豈當有  
此乎。孤前得妄語文疏。卽封示子瑜。并手筆與子瑜。  
卽得其報。論天下君臣大節一定之分。孤與子瑜可  
謂神交。非外言所間也。知卿意至。輒封來表。以示子  
瑜。使知卿意。

與孔融

張紘字子綱

虞仲翔

名翻

前頗爲論者所侵美寶

一作美玉

爲質雕摩益



光不足以損。

上孫權疏

周瑜字公瑾

劉備以梟雄之姿而有關羽張飛熊虎之將必非久屈爲人用者。今猥割地土以資業之聚此三人俱在疆場恐蛟龍得雲雨終非池中物也。

與蜀先主

魯肅字子敬

龐士元非百里才也使處治中別駕之任始當展其驥足耳。

與全琮

字子璜

陸遜

如鏡



語可垂戒

辭若貫珠

子弟苟有才。不憂不用。不宜私出。以要榮利。若其不佳。終爲取禍。

荅從兄安成王

陸景

字士仁

仰承發止。已次新林。三湘與區。九疑形勝。夏石奇雲。秋江迥月。翰飛紙落。理豐辭富。賞末興餘。時希逮憶。睽離方遠。川塗修曠。炎涼方改。願加珍勗。綠字可傳。白雪終間。心傷淚灑。投筆無宣。

與弟

虞翻

長子容當爲求婦。遠求小姓。足使生子。天其福人。不



卓識

在舊族。芝草無根。醴泉無源。

又

虞翻

此中小兒年四歲矣。似欲聰哲。雖鰕不生。鯉子此子。似之。欲爲求婦。不知所向。君爲訪之。勿怪老痴。譽此兒也。

移諸葛恪

字元遜

薛綜

字敬文

山越恃阻。不賓歷世。緩則首鼠。急則狼顧。皇帝赫然。命將西征。神策內授。武師外震。兵不染鏑。甲不沾汗。元惡旣梟。種黨歸義。蕩滌山藪。獻馘十萬。野無遺寇。



道破世情

邑罔殘姦。既掃兇慝。又充軍用。藜蓀根莠。化爲善草。魍魎更成虎士。雖實國家威靈之所加。亦信元帥臨履之所致也。

與滕胤

字承嗣

聶友

字文悌

當人彊盛。河山可拔。一朝羸縮。人情萬端。言之悲歎。

與友人論草書

皇象

字休明

欲見草書。宜得精毫。菟筆委曲宛轉。不叛敗者。紙當得滑密不粘汚者。墨又須多膠紕黝者。如逸豫之餘。手調適而心佳娛。可以小展。







通鑑紀事本末卷之八十五 唐紀八十五 德宗皇帝  
建中元年春正月 德宗皇帝幸奉天 命李懷光討  
賊 德宗皇帝幸奉天 命李懷光討賊 德宗皇帝幸奉天  
命李懷光討賊 德宗皇帝幸奉天 命李懷光討賊

與韓鳳

當人強盟如山可牧一胡亂猶人情獨端言之意然

與友人論草書

欲見草書宜得精毫毫毫筆安曲宛轉不厭敗者此書

得滑滑不粘汚者為又須多膠結點者如逸神之餘

平明道而心在致可以小美







